

**GWEINIDOGION Y DU SY'N GWEITHIO MEWN MEYSYDD  
DATGANOLEDIG**

**76 - Rheoliadau REACH etc. (Diwygio etc.) (Ymadael â'r UE) 2019  
("Rheoliadau 2019")**

*Dyddiad gosod yn Senedd y DU: 9 Ionawr 2019*

**Sifftio**

A fydd angen sifftio yn Senedd y DU?	Na fydd
Gweithdrefn:	Cadarnhaol
Dyddiad trafod gan Bwyllgor Offerynnau Statudol Ewropeaidd Ty'r Cyffredin	Amh
Dyddiad trafod gan Bwyllgor Craffu ar Is-deddfwriaeth Ty'r Arglwyddi	21/01/2019
Dyddiad y daw'r cyfnod sifftio i ben yn Senedd y DU	Amh
Datganiad ysgrifenedig o dan Reol Sefydlog 30C:	Papur 11
Memorandwm Cydsyniad Offeryn Statudol o dan Reol Sefydlog 30A (oherwydd ei fod yn diwygio deddfwriaeth sylfaenol)	Dim angen

**Gweithdrefn graffu**

Canlyniad y broses sifftio	Amh
Y weithdrefn	Cadarnhaol
Dyddiad trafod gan y Cyd-bwyllgor ar Offerynnau Statudol	Ddim yn hysbys
Dyddiad trafod gan Bwyllgor Offerynnau Statudol Ty'r Cyffredin	Ddim yn hysbys
Dyddiad trafod gan Bwyllgor Craffu ar Is-deddfwriaeth Ty'r Arglwyddi	Ddim yn hysbys

**Sylwadau**

Bwriedir i'r Rheoliadau hyn gael eu gwneud gan Lywodraeth y DU yn unol ag adrannau 8, 14(1) o Ddeddf yr Undeb Ewropeaidd (Ymadael) 2018, a pharagraff 1, Atodlen 4 i'r Ddeddf.

Mae'r Rheoliadau hyn yn cywiro diffygion yng nghyfraith yr UE sy'n gysylltiedig â chofrestru, gwerthuso, awdurdodi a chyfyngu cemegau, a elwir yn 'REACH'. Mae'r offeryn hefyd yn sicrhau y bydd deddfwriaeth yr UE yn gweithredu'n effeithiol yn y cyd-destun domestig ar ôl i'r DU ymadael â'r UE a chreu system reoleiddiol y DU ar gyfer cemegau (yn debyg i gyfundrefn 'REACH' bresennol yr UE) drwy wneud diwygiadau i offerynnau Ewropeaidd sy'n uniongyrchol berthnasol a hefyd i is-

ddeddfwriaeth ddomestig. Mae'r Rheoliadau hyn hefyd yn gwneud darpariaethau pontio i liniaru unrhyw amharu ar gadwyni cyflenwi presennol.

Mae trefn REACH yn ymwneud â materion datganoledig a rhai a gadwyd yn ôl, gan ei bod wedi'i chynllunio i ddiogelu iechyd a diogelwch gweithwyr (mater sydd wedi'i gadw yn ôl yng Nghymru) yn ogystal ag iechyd y cyhoedd a'r amgylchedd (sydd wedi'u datganoli).

Mae'r Cynghorwyr Cyfreithiol yn cytuno â'r datganiad a osodwyd gan Lywodraeth Cymru dyddiedig 11 Ionawr 2019 ynghylch effaith y Rheoliadau hyn.

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith.

Nid yw'r Cynghorwyr Cyfreithiol yn ystyried bod unrhyw faterion arwyddocaol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.

Nid yw'r Cynghorwyr Cyfreithiol wedi nodi unrhyw reswm cyfreithiol i geisio cynnig cydsyniad o dan Reol Sefydlog 30A.10 mewn perthynas â'r Rheoliadau hyn.